

MURDHA – CITTA

AUM – OM

Om, Swastyastu, Om Awighnamastu nama sidham.

Putusing pasebhan krama desa Legian, gomawe awig – awig desa pakraman maka sepat siku – siku pameneh, wastu kesidhan prayojanan mami kabeh prasama angidep mwah amagehaken kadi tata gamaning awig – awig iki,

S A R G A I ARAN LAN WEWIDANGAN DESA

Pawos 1.

- (1). Desa adat puniki mawasta Desa Legian.
- (2). Jebar kakuwub wawidangannia mawastu nyatur :
 1. Sisi wetan ring banjar Abianbase (Denpasar)
 2. Sisi kidul ring desa adat Kuta.
 3. Sisi Kulon ring segara.
 4. Sisi Lor ring desa Adat Seminyak.
- (3). Wewidangan palemahan desane keepah dados 3 (tigang) banjar luire :
 1. Banjar Legian Kaja.
 2. Banjar Pekandelan.
 3. Banjar Legian Kelod

S A R G A II
PATITIS LAN PAMIKUKUH

Pawos 2.

Desa Legian puniki ngemanggehan pemikukuh :

1. Pancasila
2. TRI HITA KARANA manut tatwaning Bhwana Agung.
3. Undang – undang Dasar 1945, ping ajeng pasal 18.-

Pawos 3.

Luir petitis desane :

1. Mapikukuh miwah ngerajegang SANG HYANG AGAMA.
2. Nginggilang tata prewertine magama.
3. Ngerajegang pasukretan lan saha pawongania sekala kelawan niskala.

S A R G A III
SUKERTA TATA PEKRAMAN
PALET I
I N D I K K R A M A

Pawos 4.

- (1). Sane kebawos krama desa inggih punike kulawarga magama Hindu, sampun merabian mebanjar suka – duka tur sareng nyungsung Kahyangan desa legian
- (2). Sejaba puniki kebawos tamiu.

Pawos 5.

Krama desa wenten kalih soroh luire :

- (1). Krama Ngarep, kulawarga sane sampun mawiwaha, tur sampun tedun makrama banjar.
- (2) Krama keputungan, kulawarga sangkaning kepademan utawi nyapihan wiadin kewentenane sios.

Pawos 6.

Mawit dados krama desa wenten tigang soroh, luire :

- (1). Sangkaning sampun mawed / jumenek ring desa Legian.
- (2). Sangkaning megingsir genah, :
Melarapan ngerereh pengupajiwa sewidangan desa Legian utawi wit patilar rahayu saking sewosan desa.
- (3). Melarapan antuk pawiwahan pratisentana wiwit (1) mwah (2) ring ajeng.

Pawos 7.

Panemaya tedun makrama desa :

- (1). Melarapan pawiwahan utawi ngarereh pangupajiwa utawi patilar rahayu saking desa sewosan ri sampun ketedunang mekrama banjar.
- (2). Ngeranjing mabanjar kamargiang :
 1. Padgata kala prade nyeledihi utawi nyelosin ayah rramaniā, muah nyantosang pesangkepan Galungan setiosing nyelosin ayahan.
- (3). Yening wenten jadma sampun alaki rabi jumenek ring desa Legian mewaneng sampun tigang sasih wenang kepatut tedun makrama banjar / desa.
- (4). Soang – soang pacang tedun makrama desa patut :
 1. Sumanggep nyiwi Kahyangan desa mwah seturut ring awig – awig pasuar pasuaran lan perareman desa Legian.
 2. Naur pemogpog manut perareman banjar soang – soang saha kadulurin Upacara Mepintonan ring Pura Agung Legian maka penyawangan ring Kahyangan Tiga Desa Legian.

Pawos 8.

- (1). Sehanan warga desa sane sampun meyusa anom miwah dehe, soang – soang patut tedun ngayah, kewastanin ayah teruna (sane lanang) miwah ayah dehe (sane istri).
- (2). Warga desa sane alit – alit sampun antes ngangon (± meyusa 6 tahun) patut tedun ngayah, kewastanin ayah teruna –nyoman (sane lanang) miwah ayah dahe – nyoman (sane istri).
- (3). Ayah teruna miwah dehe punika kepupulang ring sekehe teruna miwah sekehe dehe kalih sekehe teruna – nyoman miwah sekehe dehe nyoman.
- (4). Sekehe – sekehe punika keepah manut bebanjaran.

Pawos 9

Sehanan warga desa sami keni ayah – ayah, luire :

- (1). Ayah ngarep saking kerama ngarep.
- (2). Ayah keputungan saking krama balu utawi nyapian.
- (3). Ayah roban saking krama dandanan wit angka (1) mwah (2) ring ajeng, sane sampun mangguh dehe – taruna tur kepulungang dados sekehe dehe – teruna (pemuda pemudi) saking soang – soang bebanjarania.

Pawos 10

Tetegenan krama desa, sekadi ring sor :

- (1). Krama ngarep keni ayah miwah pepeson memungkul.
- (2). Krama keputungan keni ayah mwah pepeson anut perarem ring soang –soang banjar sane kewastanin ayah lemetenan (ayah asibak).
- (3). Ubanjaran keni tetegenan anut wiguna, reh banjar inucap pinaka tangan sukuning desa

Pawos 11

- (1). Prade wenten pekaryan abot sane patut kerombo, kenin kerombo antuk soang – soang krama desa adat nganggen undagi turmaning prabeyane kaetang antuk soang – soang banjar.
- (2). Prade wenten sinalih tunggil krama tan nganutin kadi pesuaraning bawos ring ajeng wenang idesa nyuakang pemedanda manut perarem, miwah prade kepurug keni nikel jantos tigang sangkepan, kengin kerandahin antuk panikel – panikelnya, jantos 6 sangkepan, pinaka ping unkur pemandel punika wenang kewaliang pipilnyane.
- (3). Asapunika taler pamedanda murug pasuaraning bawos lianan sane sinageh abot.

Pawos 12.

Swadarmaning krama desa sewosan ring ayah – ayahan, luire :

- (1). Krama desa / banjar, luire
 1. Dreda atuang ring desa.
 2. Tinut seturut ring sedaging awig – awig pasuara lan perareme.
 3. Tan maren ngutsahang mangda desane prasida nyujur manut patitis.
- (2). Swa darmaning tamiu :
 1. Tinut seturut ring sapamargin kertin desane.
 2. Nganutin tata cara ubanjaran sane ngewidangin.

Pawos 13.

Patias utawi olih – olihan krama desa, mekadi ring sor :

- (1). Polih pesayuban prajuru ngemanggehang lui patitis tur kebawosin suka katiwakin pemutus sehanan wicarania.
- (2). Nyarengin paruman desa / banjar, saha wenang mastikayang pamutus.
- (3). Kenginan manut paetangan, luire :
 1. Mapuangkid, manut perarem banjar soang –soang.

2. Nyada, ngemademang ayah – ayah ri antukan sampun wenten penyade (pengentos sakeng sentana kapurusan sane sampun mewiwaha), sakewanten prade kajudi antuk prajuru patut sairinga.
3. Luput, prade dados prajuru lan siosan punika amanut kawigunan.

Pawos 14.

Wusan dados krama, mekadi ring sor :

- (1). Sangkaning magingsir genah wewidangan desa Legian kedulurin antuk nunas pengesahan ilikitan prajuru.
- (2). Kawusan utawi kejabut pipilnyane antuk ubanjaran utawi desa manut tata cara.
- (3). Sang wusan mekrama desa tan polih pah – pahan sangkaning druwen desa / banjar.

PALET 2

I N D I K P R A J U R U

Pawos 15.

- (1). Desa kaenter antuk kelian Desa Adat
- (2). Banjar keenter antuk kelian Banjar.
- (3). Kelian desa lan kelian banjar patut :
 1. Mewiwit sakeng krama ngarep.
 2. Keadegang melarapan antuk pemilihan parumania soang – soang, nyaberan limang warsa, sejawaning wenten pari indi sios tur dados kepilih malih.
 3. Madulurang nunas penugerahan ring kahyangan desa legian.

Pawos 16.

- (1). Kelian desa pada kesanggra antuk :
 1. Pangeliman pinaka wakilnia ring suang – suang banjar.
 2. Penyarikan pinaka juru surat (ilikita)
 3. Kesinoman pinaka juru arah.

- (2) Wewilangan penyanggrane manut abot dangan pekaryanyane mekadi kesinoman manut paetangan banjar.
- (3) Sejeroning ngenterang pasukertan niskala kelian desa mingsinggihang pamongan Kahyangan desa miwah kesanggra antuk prajuru istri.

Pawos 17.

- (1) Swa dharmaning kelian desa adat luire :
 1. Ngenterang pelaksanaan sedaging awig – awig pasuara lan perarem desa saha tan maren :
 - seeloan utawi mewirasa ring sehanan prayogia sane taler ngawiwenang warga desane, umpami Perebekel muah Pekaseh.
 - Ngawentenang galah pengala, desa mangde warga desane polih ngupadi pengupajiwa, nincapang pangeweruh saha usaha niri – niri seosan.
 2. Nuntun tur ngenterang krama rawuhing warga desa ngupadi anut petitis.
 3. Mawosin kalih niwakin pemutus arep ring wicara warga desa.
 4. Maka dutta desa matemuang bawos ring sapisira ugi.
- (2) Prade perajuru nilar sesana, keni pamidanda nikel ring kaiwangan soang – soang krama desa saha kengin kerarianang manut perarem.

Pawos 18.

Petias prajuru, luire :

1. Luput seluiring pakenan – kenan.
2. Pikolih tiosan manut pararem desa / banjar.

Pawos 19.

- (1) Prajuru kagentosin riantukan :
 1. Kelayoan (lampus).
 2. Pinunas ngeraga utami kawit sampun penampihan panamaya.
 3. Kanorayang utawi kewusang.
- (2) Angentosin utawi ngenorayang prajuru patut keraremin antuk krama sajeroning paruman desa / banjar.

PALET 3.

I N D I K P A R U M A N

Pawos 20.

- (1). Paruman ring desa Legian, luire :
1. Paruman desa / banjar nganut panemaya utawi padgata kala ; paruman desa nyabran atahun apisan nyabran Buda Kliwon Dungulan utawi padgatakala.
 2. Sangkepan prajuru kawentenang asasih utawi padgata kala.
 3. Sangkepan sekehe daha – taruna nganut wiguna.
- (2). Paruman desa / banjar madudonan sekadi ring sor :
1. Kadulurin pengarah prade pregata, selanturnya maka cihna suaran kulkul manut pawos kadi ring sor.
 2. Prasadha kelaksana ri sampun katedunin antuk sang patut angamiletin bilih langkungan ring atengan warga desa / banjar abusana nyelempot tur tan kalugra makta gegawen sakaleire.
 3. Tan maren ngarcana Ida Bhagawan Penyarikan maka serana cane.
 4. Pengawit kelaksanayang panyacak sep – sepan saha ri wusania nyacak dedosan gung alit manut perarem soang –soang ubanjarannia.
 5. Pemutus bebawos kautsahayang mangda melarapan gilik – siguluk utawi beriuk-panggul, bilih tan para sidha suarane makehan sinangguh pemutus.
 6. Sinangguh pangawisesa sane wenang nyelem – putihang tata pengenter desa / banjar, manut dresta.
- (3). Prade pidaging paruman tan keraremin, mangda prajuru ngalihang bawos tur ngewaliang matah ring paruman pacang kasungkemin, bilih tan prasadha taler ngemangguhang perarem wenang prajuru nunas bawos ring parisadha muwah kantor Agama, mewastu daging paruman. Paruman inucap wicara ring desa.

Pawos 21.

- (1). Sejeroning paroman desa / banjar patut kesiarang :
 1. Munjuk lungsuring pakraman, mekadi ayah – ayahan, sulur artha berana lan sapetunggilan ipun.
 2. Rencana prajuru nganinin uttsaha kapungkur.
 3. Sehanan wicara saha pamutusnia.
- (2). Sehanan kekesiaran ring ajeng ketitetnin saha katiwakin pamutus antuk paruman soang – soang.
- (3). Pamutus paruman desa / banjar sinangguh pararem maka pimategep pelaksanaan awig – awig

Pawos 22.

- (1). Sangkepan perajuru patut :
 1. Kewentenang sanistane asasih apisan, bilih – bilih kengin padgata kala.
 2. Kesarengin antuk sehanan perajuru lan klian – klian banjar.
 3. Ketuntun antuk klian desa adat.
- (2). Sangkepan perajuru kewenangang wantah ngerincikang tata upaya ngelaksanayang uttsaha miwah pengerencana saka luire.
- (3). Pemutus sehanan rancangan bilih – bilih rencana sane pacang niwakin tetegenan ring ikrama tan kepatut sedereng kepikukuh antuk paruman desa / banjar manut dudonan.
- (4). Pamutus pesangkepan prajuru mawiwit patuduh sang mawangrat utawi ngerekaang pecak perarem krama sinangguh pasuara desa.

Pawos 23

- (1). Pesangkepan sekehe – sekehe kawentetanang anut wiguna.
- (2). Nangken pesangkepan sekehe patut atur supeksa riyin ring parajuru banjar / desa, para sidha tan lempas kadi patitis paos – paos ring ajeng.

PALET 4
I N D I K K U L K U L

Pawos 24.

- (1). Kukul ring desa Legian wenten tigang soroh :
 1. Kukul desa megenah ring Bale Agung.
 2. Kukul banjar ring soang – soang Bale Banjar.
 3. Kukul sekehe – sekehe manut winangun.

- (2). Suaran kukul inucap kebawos pesuaran iwarga desa utawi ikrama banjar.

- (3). Rabuh tetepakan kukul inucap pastika mesuara seanut tetujon, luire :
 1. Tengeran tedun ngayah utawi parum tabuhe lelabatan.
 2. Tengeran wali tabuhe nungtit ngawit pengastawan sira mangku / sangwulinggih..
 3. Tengeran kepanca – baya :
 - 1). Jiwa baya, umpami kebaak, pengamuk, tabuhe bulus 3 (tiga) tulud.
 - 2). Artha baya, umpami ngendehang maling, tabuhe bulus 2 (dua) tulud
 - 3). Geni baya, umpami wewangunan puun, miwah kebelabaran, utawi toya embah ageng, taler yening wenten bencana alam siosan, tabuhe bulus 1 (siki) tulud.
 4. Tengeran sinalih tunggil warga banjar seda (lampus) suaran kukul banjare tungkak

Pawos 25.

- (1). Kukul desa / banjar tan wenang ketepak yan tan sangkaning pituduh prajuru, sejawaning tengeran kepanca – baya.

- (2). Sang nepak tan sangkaning pituduh, patut digelis atursupeksa maka buatan penepake, yan amurug keni pimidanda manut perarem, asapunika taler pimidandane yan tan ngukul anut wiguna.

- (3). Sehanan kukul banjar sewidangan, desa Legian patut ketepak prade wenten sinalih tunggil kukul banjare nenggerang suara kepanca – baya, prade amurug keni pimidanda banjar inucap.

- (4). Tengeran kepanca – baya, patut ketedunin antuk sekraman ayahan saha gegawan anut rupan bayane.
- (5). Kukul sekehe – sekehe tan wenang matehin sukat miwah tengeran kukul banjar muah desa, prade amurug keni pamidanda manut perarem.

PALET 5.

I N D I K D R U W E N D E S A

Pawos 26

Druwe desa Legian sekadi ring sor :

- (1). Kahyangan desa, mekadi pura :
Pura desa Bale Agung, pura Puseh, pura Dalem Kahyangan, pura Penataran miwah pura Agung.-
- (2). Setra wenten 2 palebahan :
 - 1. Setra ring desa wenten 2 genah ;
 - 1. Setra para Agung
 - 2. Setra para warga siosan manut dudonan.
 - 2. Setra ring pesisir, genah pependeman wong sakit ila.
- (3). Tanah bukti pura (menggeheh sekadi ring ungkur).
- (4). Piranti – piranti desa, luire :
 - 1. Wewangunan Kahyangan desa.
 - 2. Bale banjar saha bale kukul ring soang – soang banjar.
 - 3. Margi druwe desa kaempon tur kapiara antuk krama banjar manut dresta.
- (5). Lelangan makadi tatabuhan lan ilen – ilen, luire :
 - 1. Pecanangan lan petapakan, taler barong sungungan desa.
 - 2. Ilen – ilen wali sekadi rejang.
 - 3. Kalih barung gong kadruwe antuk desa.
- (6). Balih – balihan sane wenten wewidangan desa Legian, mungwing pari solahania keetang antuk para juru desa, saha kekaninin dana punia apah dasan (10%) saking pikolih nyabran parisolahan.

Pawos 27.

- (1). Para juru wenang ngetangan druwen desa, keanggen prabeya wewangunan utawi pengaci kahyangan desa.
- (2). Nyabran paruman desa utawi banjar para juru patut nyiarang sapamargin druwene ring ikrama saha ilikita / wastika.
- (3). Sakaluiring padruwen desa / banjar patut wenten ilikitan ipun.

PALET 6

P A M I T E G E P

KAPING 1

KARANG TEGAL LAN CARIK

Paos 28

- (1). Karang soang-soang krama desa, watese sisi kaler muah kangin patut kekaryaning antuk sang madruwe karang, reh punika mawasta gegalengan keluan.
- (2). Tegal muah carik sang madruwe patut mamiara bates sisi klod muah kauh, punika kawastanin gegalengan kateben.
- (3). Prade karasayang batese ngalikadin, yan pada arsa penyandinge kengin nganggen pinget kewanten antuk pal saking kantor Agraria (pemerintah).
- (4). Prade wenten karang kabebeng magda kautsahayang wenten-pemargi utwi uak-uakania.

Paos 29

- (1). Sinalih tunggil krama desa / banjar tan kaluga :
 1. Ngelahlah tanah tegak sinanggeh suci, mekadi kahyangan utawi setra.
 2. Ngelahlah margi, karang lan carik.
- (2). Prade wenten mekadi ring ajeng, sang mangelahlah patut ngewaliang tanah sane kelahlah saha pamidanda manut pararen, mwah kaduluring upakara pengerubuhan ring sang melaksana ngelahlah tanah sinanggeh suci.

KAPING 2
P E P A Y O N A N

Paos 30

- (1). Ngawit nandur, pepayonan tanem tuwuh, patut adepa agong ngejohan saking batas, prade jantos ngaliwat waneng kasepat gantungin.
- (2). Prade wenten tetanduran ngungkulin sinalih mawastu mayanin kapisaga, patut kawera antuk paiguman sane becik, prasida sang ndruwenang wit ngerebah utawi notor.
- (3). Prade sampun kawatra sekadi ring ajeng taler tan wenten usaha sang ndruwenang wit, kengin sang rumasa katetehan / kajerihan nyadokang ring parajuru.
- (4). Prajuru mari tatas mwah nibakang pamutus :
 1. Ngrebah wit sane mayanin antuk penaur prabeya ring sang ndruwenang wit anut logika.
 2. Prade jantos ngerubuhin, risampun pecak polih kawera, patut keni pamidanda panyangaskara mwah pabeya manut peramen katiba ring sang ndruwenang wit inucap utawi sang munggul, notor wiyadin ngerebah papayonan muah ngarubuhin wewangunan jadma tios.

KAPING 3
W E W A N G U N A N

Pawos 31.

- (1). Nyaberan ngewangun patut :
 1. Mesadok ring pajuru, bilih-bilih prade wewangunan inucap nganinin bates utawi sanistane ngawentenang paigum ring pepenyandinge.
 2. Ngangge gagulak asta kosala kosali miwah asta bumi, sanistane manut ring patitis niskala.
 3. Tan nyayubin kapisaga.
- (2). Prade wewangunane jantos nyayubin, bilih-bilih tembok nyane selingine bates, ri sampun kawera, tur kesadoking ring prajuru saha kapari tastas, wenang kadanda manut pararem, saha tembok inucap kengin kagubar utawi sanistane mangda kekaryaning abangan.

KAPING 4.
W E W A L U N G A N

Pawos 32.

- (1). Sehanan warga desa sane memiara sakeluiring wewangunan patut sayoga nitenin negul, ngalogor, mangde tan ngarusakin karang paabianan krama siosan, bilih-bilih jantos ngaranjing ngaletihing kahyangan.
- (2). Prade wenten wewalungan malumbar utawi ngeleb jantos ngarusakin pekarangan/paabianan, ri sampun kanorayang kengin ketaban tur kedanda manut pararem saha ngewaliang wit muah nawur panebas pabianan anut logika prajuru.
- (3). Prade jantos ngaletihin tegak suci, ri sampun kaparitasas antuk prajuru, wenang sang ndruwenang kedanda manut pararem saha upakara durmanggala.

KAPING 5.
B H A Y A

Pawos 33.

- (1). Indik bhaya keucap panca- bhaya, manut kadi paos ring unkur kawehening duracana ring agama.
- (2). Sang manggihin sahanan bhaya patut nepak kulkul anut paos 24, tur sang mayanin bhaya petiba jampi saha panyangaskara pangulapan.
- (3). Prade kaeunduk artha-bhaya patut ngulkul anut paos 24
- (3). Utawi sang kemalingan atur supeksa ring prajuru sane pacing nimbangin tur nibakang pamutus.
 1. Sajawaning numusang ring polisi kenging ngeniang paminanda ngewaliang wit antuk pengunandika.
 2. Paminanda nikel prade ngemaling barang sinanggah suci.
 3. Maweweh panyangaskara prade ngemaling barang sinanggah suci.
- (4). Prade wenten sang amangguh ketunuan utawi kebelabaran patut ngulkul matepukan anut paos 24, katedunin antuk sehanan ayahan saha gegawan anut rupan bhayane; utawi kengin nunasan pitulung saking “ Penyelamat pantai utawi Badan Pemadam Kebakaran”.

- (5). Prade wenten wewangunan sinalih tunggil krama keni ketunuan patut karombo karyanang kekubon tatanceban.
- (6). Sang dura cara ring agama, prade mecihna anut tri pramana, wenang jadma inucap kedanda manut perarem saha penangaskara.

KAPING 6.

PENYANGGERAN BANJAR

Pawos 34.

- (1). Krama desa rikala ngawentenang karya suka duka patut polih pengangguran utawi kerombo antuk krama banjarnia manut sekadi pararem banjarnia soang-soang.
- (2). Rikala wenten pekaryan desa krama banjar mangda ngemargiang penyanggre anut dresta upami sane madrebe lelanguan ngaturang tetangguran seantukan rumasa pawakan banjar maka tangan sukuning idesa

SARGA IV

SUKERTA TATA AGAMA

PALET 1.

I N D I K D E W A Y A D N Y A

Pawos 35.

- (1). Luir kahyangan ring desa Legian :
1. Pura Agung;
 2. Kahyangan tiga : Pura Puseh, Pura Dalem/Kahyangan, Pura Desa/Bale -Agung ;
 3. Pura Penataran;
 4. Pemerajan ring soang-soang ubanjaran ;
 5. Pura Segara/Pasih, wenten pengempon sios, sejawaning rikala ring desa ngadakang karya, nunas tirtha, utawi ngaturang bhakti rikala petayon.
- (2). Rahina piodalan soang-soang pura inucap:
1. Pura Agung = Purnamaning Kapat muah Purnamaning Kedasa, lan pemapangan Soma Langkir.
 2. Pura Puseh = Anggara, Kliwon, Medangsia ;
 3. Pura Dalem/Kahyangan = Budha, Umanis, Prangbakat ;
 4. Pura Desa/Bale Agung = Pemacekan Agung, Soma, Kliwon, Kuningan.
 5. Petayon Ratu Ayu (Barong) = Budha Kliwon, Gumbreg ;
 6. Pemerajan Banjar, manut ubanjarannya soang-soang ;
- (3). Pengaci sane kelaksanayang, nista, madya, utama manut cacakan sastra agama kaduluran pararem ring kawentenania
- (4). Pangempon pura soang-soang inucap manut dresta :
1. Kahyangan Desa :
 - Pura Agung keampok manut banjar kaja.
 - Pura Puseh keampok antuk banjar pekandelan,
 - Pura Desa / Bale Agung, Pura Penataran, keampok antuk banjar kelod
 - Mekiyis, Ratu Ayu, keampok antuk desa sami,
 2. Pemeranjan soang-soang banjar keempon antuk banjar soang-soang

Pawos 36.

- (1). Ring soang-soang pura inucap kawentenang pemangku lan juru canang.
- (2). Keanggep Pemangku patut:
 - Nunas pewuwus Widhi ring natar Pura inucap
 - Nawilang saking turunan (ngwaris)
 - Prade mekakalih tan prasidha wawu kawentenang pilihan antuk prajuru utawi krama desa
- (3). Tan kewenang anggen Pemangku:
 1. Cedangga, luire : peceng, perot, cungh;
 2. Kangeringan, luire, : ila, ayan buduh;
 3. Ulah cacad, luire, : ngerabinin wong arabi, memitra, miwah, saka luire.
 4. Tan keraremin antuk desa.
- (4). Prabeya kepemangkuan :
 1. Pediksa Widhi (kewintenang), kemedalin saha keranjingan antuk sang ngadegang, makueh krama desa utawi pangemong pura soang-soang
 2. Pamitra yadnyania riwekas taler patut kasungkemin antuk sang ngadegang.
- (5). Penyade/juru canang kapilih antuk prajuru desa.

Pawos 37

Swa Dharmaning Pemangku, luire :

- (1). Ngenterang upacara piodalan ring kahyangan utawi pakubon muah ngaturang penawuran/peneduhan soang-soang krama desa.
- (2). Sang penawuran patut mesadok ring prajuru mangda kailikitayang tur kemunggahang druwen desa, luire :
 1. Penawuran upakara lan wewalen;
 2. Penawuran leluwen lan mole-mole;
 3. Sesari-sesari.
- (3). Pemangku kahyangan desa kawenangang :
 1. Nibakang panugrahan ring mangku sanak lan krama desa manut pararem.
 2. Polih penampa rikala ngamargiang puja wali, saking mangku-mangku desa sinamian muah juru canang;
 3. Polih penyepuhan prade ketiwalin antuk salah sinunggil warga desa, sakewanten prade mabukti manutin pramana keiwangan ipemangku patut nyepuhing raga.

Pawos 38.

- (1) Rikala upacara piodalan sampun ngalang- sasih, (galah dadi) wenten salah sinunggil mangku utawi warga dane mangku cuntaka sangkaning kelayuan, upacara kemargiang antuk mangku kahyangan desa sane tan kapiambeng, tur prade tan wenten purun patut nuwur sang sulinggih pacang muputang yadnya, mangku siosan maka penampa panugrahan sang sulinggih.
- (2) Pamucuk karya ring kahyangan desa, keampok antuk krama banjar manut dresta utawi krama desa manut dresta.
- (3) Krama banjar siosan ring pengampok utawi warga desa patut ngaturang bakti kapura saha tragia antuk sekar, kawengen, muah dupa keanggen muspa.-

Pawos 39

Petias lan pikolih pemangku lan juru canang :

1. 1/3 (apah tiga) saking sesari saha kapinaro sareng juru canang.
2. Leluputan.
3. Petias siosan manut pararem.

Pawos 40.

- (1) Pemangku kagentosin sangkaning kalayuan, pinunas ngeraga, utawi sangkaning kanorayang (lan kewusang) menawi melaksana asta dusta.
- (2) Prade mangku kawusang sangkaning melaksana asta dusta kedanda anut pararem saha ngewaliang panelas pawintenan pecak, malih patut nyepuhin raga.
- (3) Prade mangku ngalap rabi malih patut nyepuhin raga.

Pawos 41.

Kasukertan kahyangan kadi ring sor :

- (1) Tan kalugra ngeranjing kepura :
 1. Sang cuntaka sangkaning sebel raga utawi kelampusan manut sengker.
 2. Sato agung sajawaning mapapada.
 3. Mabusana tan manut kadi tata caraning ngeranjing kepura.
 4. Sadereng polih uak-uakan prajuru.
 5. Makta sehanan barang sinangguh ngeletehin.

- (2). Pretingkahe tan wenang ring pura :
1. Mesumpah (anayub sor) sejawaning pituduh prajuru.
 2. Mekobetan, mekoiem lanang istri dados asiki, mebacin/mewarih, menahin wastra utawi pusung :
- (3). Prade wenten jadma kerawuhin ring pura, yening rumasa kasumngsayan kengin kepintonin, yan tan wiyakti, jadma punika kekenaningdanda manut perarem, asapunika taler pamidanda memurug angka (2) ring ajeng.
- (4). Prade kahyangan kehanan durmanggala, mekadi kepanca bhaya, kerubuhan kehanan wangke sato agung keranjingan antuk jadma buduh lan sapariindikan nipun, pemangku patut digelis nyadokang ring prajuru mangda marumang krama desa pacang ngewentenang upakara sapatutnia.

PALET 2

I N D I K R E S I Y A D N Y A

Pawos 42

- (1). Sang pacang mepudgala (medwijati), sejawaning nunas penungrahan parisudha miwah kantor agama, taler patut mesadok ring prajuru desa.
- (2). Prajuru inucap patut sareng nureksa nitenin mangde upacara kalih pemargine jati-jati manut kecaping agama, saha sareng nyaksinin pemargin upakarane.
- (3). Sepupute Prajuru desa patut di gelis ngantosin parab sang dinaksan ring sehanan ilikita, antuk biseka kawikon manut panugrahan nabene saha kasiarang ring paruman desa utawi banjar.

Pawos 43.

- (1). Sejawaning pemangku, sang pacang mewinten maka buatan pacang memargi nyonteng, dalang, saka luih jagi ngenterang yadnya, patut mesadok ring prajuru.
- (2). Prajuru patut ngawas nitenin mwah nureksa, saha ngalengin prade kacihna sasaring sesana muah kekecap manut dresta, tur sareng nyaksinin upacara saha selanturnia nyiarang (nyarwakang) ring paruman desa/banjar tegap rawuhing wates kewenangania ngenterang upacara/yadnya.

Pawos 44.

- (1). Krama desa / banjar ketuntun antuk prajuru patut sareng ngawas nitenin mangda sehanan yadnya sane kewentenan kaicen pematut olih pandita utawi pinandita (mangkū, dalang, sakaluire) manut kawenangania soang-soang.
- (2). Prajuru patut nuntun saha manggala krama desa makukuhin jinggih para wiku mwah pinandita ring desa Legian.
- (3). Ngaturing ida utawi sang muput karya/yadnya dana punia nganut wibuh kancit karyane.
- (4). Saking steleb mikayunin pewarah utawi pewisik ring kecaping pustaka suci pekaryan ida para resi.

PALET 3.

I N D I K P I T R A Y A D N Y A

Pawos 45.

- (1). Pengupakaran sang kelayuan (lampus) :
 1. Antuk mendem utawi ngeseng.
 2. Atiwa-tiwa utawi upakara pengabenan, tur sane kangkat keabenang risampun ketus untu, prade during, ngawit saking yusa tigang sasih patut keabenan ngelungah
- (2). Upakara – upakara pitra riwusan keabenang munggah daun-bingin (ngerorasin) wawu kemargiang ngelinggihang Dewa Hyang Bethara – Bethari.

Pawos 46.

- (1). Swadarma lan tetujuan prade wenten krama kelayuan/keduhkitan patut :
 1. Nyadokang ring klian banjar tur nunasang tetimbang ring kawentenanania.
 2. Ngaturin ibanjar ngerombo mekarya enteh-enteh sawa;
- (2). Swadharmaning desa/banjar:
 1. Prajuru maritetes pemargin sang kaduhkitan, napi pacang kependem utawi lantur keabenang.
 2. Nepak kulkul anut paos.

3. Penyanggan ibanjar selantunia:

- soang – soang krama nedunin patus manut pararem.
- Semalihe prade lantur keabenang manut kadi dresta, manut pasukserahe kebanjar soang – soang.
- Krama banjar lanang – istri ngambil karya manut dresta saha ngeromborikala pengutangan, kapatut ikrama mebusana adat, senistane nyelempot/mesenteng.
- Pemargin sawa muah upakarane mangda dabdab antar, tan kengin mesuara gora (megarap – garapan).

Pawos 47.

Pemendeman patut kelaksanayang kadi ring sor :

(1) Nganutin dewasa, saha tan kalugra :

1. Rikala purnama muah tilem;
2. Mekirim bangkai; cundang – watang;
3. Piodalan muah pauman ring kahyangan desa;

(2) Nganutin genah, inggih punika:

1. Ring sastra genah pemendeman triwangsa.
2. Ring sema, keepah dados 4 palet, luire.
 1. Seman wong rare,
 2. Seman bebajangan,
 3. Seman desa, kependem manut ngelingang genah.
 4. Seman bugbugan, genah mendem sane nenten uning ngelingang genah
3. Ring sema ila dipesisi, genah Pependeman wong gering ila

(3) Kelugerayang mendem manut paitungan:

1. Anak alit durung tumbuh untu kepatut pendem peremangke tan nyantos dewasa.
2. Pemendeman rikala wenten petoyan nadi miwah karya dipura mengawit saking dina sane kewastanin galah dadi nyantos selaminne penyejeran ring pura, pemargine kesetra nyulur rurung sane sampun ketetepang.

3. Penyanggan ibanjar selantunia:

- soang – soang krama nedunin patus manut pararem.
- Semalihe prade lantur keabenang manut kadi dresta, manut pasukserahe kebanjar soang – soang.
- Krama banjar lanang – istri ngambil karya manut dresta saha ngeromborikala pengutangan, kapatut ikrama mebusana adat, senistane nyelempot/mesesenteng.
- Pemargin sawa muah upakarane mangda dabdad antar, tan kengin mesuara gora (megarap – garapan).

Pawos 47.

Pemendeman patut kelaksanayang kadi ring sor :

(1) Nganutin dewasa, saha tan kalugra :

1. Rikala purnama muah tilem;
2. Mekirim bangkai; cundang – watang;
3. Piodalan muah pauman ring kahyangan desa;

(2) Nganutin genah, inggih punika:

1. Ring sastra genah pemendeman triwangsa.
2. Ring sema, keepah dados 4 palet, luire.
 1. Seman wong rare,
 2. Seman bebajangan,
 3. Seman desa, kependem manut ngelingang genah.
 4. Seman bugbugan, genah mendem sane nenten uning ngelingang genah
3. Ring sema ila dipesisi, genah Pependeman wong gering ila

(3) Kelugerayang mendem manut paitungan:

1. Anak alit durung tumbuh untu kepatut pendem peremangke tan nyantos dewasa.
2. Pemendeman rikala wenten petoyan nadi miwah karya dipura mengawit saking dina sane kewastanin galah dadi nyantos selaminne penyejeran ring pura, pemargine kesetra nyulur rurung sane sampun ketetepang.

2. Sang medruwe layon
 - Durung mekepus udel abulan pitung dina;
 - Risampun mekepus udel ngenggalang, mesuwe roras rahina
3. Saking sulu kilitan pekulawargan (tunggalan hyang) masewe roras rahina.
4. Sebel karang roras rahina.

(2). Tan keneng cuntaka :

1. Sang meraga sulinggih lan mangku kahyangan desa
2. Rikala ngewangun yadnya ring kahyangan desa risampun galah dadi.

Pawos 50.

(1). Atiwa-tiwa utawi pengabenan wenten 2 pemargi, luire.

1. Nyawa resi utawi nyuasta geni kemargiang seantukan galihe tan kekeniang utawi tan ngagah
2. Sawa preteka, kemargiang antuk ngagah utawi mreteka sawa bah – bangun.

(2). Dudonan pengabenan kadi ring sor:

1. Ngaskara antuk ngagah utawi nyawa resi.
2. Pengutangan antuk ngeseng sawa.
3. Pengiriman
4. Nyekah/memukur/ngerorasin.

Pawos 51.

Tata sulur pengabenan anut pemendeman ring ajeng maweweh kadi ring sor:

1. Beya pemelin pedem katur kedalem kahyangan antuk jinah bolong an 250 keteng.
2. Nunas tirtha ring kahyangan tiga antuk upakara sejangkepnia.

PALET 4
I N D I K M A N U S A Y A D N Y A

Pawos 52.

- (1) Manusa yadnya inggih punika upakara – upakara dharmaning manusa, ngawit saking penemoning kama petak kelawan kama bang sajeroning gharba (waduk) ibiang nyantos lampus riwekasan.
- (2) Upakara – upakara ring ajeng luire:
1. Megedong-gedongan duk pengerempinine ibiang.
 2. Duk sang kama-reka/rere wawu embas;
 3. Kepus udel;
 4. Rare meyusa awulan-pitung dina (akambuhan);
 5. Tigang sasih (asambutan);
 6. Nem sasih (aweton);
 7. Tutug kelih, ngeraja wadone lan ngembakin lanange;
 8. Mepandes/mesangih;
 9. Mewiwaha, nganutin pegeryastan;
 10. Mewinten eka jati, lan selanturipun.
- (3) Upacara-upakara inucap nista, madia, utama, nganutin sasta agama muah dresta ngawinayang sima cara desa Legian.
- (4) Upacara pemedalan rare kembar lanang istri, kasukserahang ring peruman banjar, prade rumasa ceciren jagat, patut krama desa ngepah ayu desa.
- (5) Upacara pawintenan anut sekadi paos ring ajeng prade pacang ngenterang yadnya utawi anut dresta, prade pawintenan ngeraga miwah upacara pawintenan sinarengan lebihan ring adiri taler nganutin paos ring ajeng.

PALET 5
I N D I K B H U T A Y A D N Y A

Pawos 53

- (1) Bhuta yadnya inggih punika upacara upakara pebeyakalan ring pertiwi lan kahyangan mwah sarwa bebhutan.
- (2) Upacara pabeyakalan ring sarwa prani, luire:
1. Ring sarwa tumuwuh ri kala tumpek wariga;
 2. Ring sarwa ingon-ingon rikala tumpek uye;
 3. Lelamdep sarwa wesi, rinuju tumpek landep;
 4. Gambelan, wewalian (balih-balihan), nuju tumpek wayang;
- (3) Upakara pekalan-kalan ring manusa anut awigena;
- (4) Upacara/upakara pabeya kalan ring pertiwi muwah kahyangan lan bebhutan kebaos mecaru, kemargiang nista, madya, utama, manut wiguna, luire:
1. Eka sata;
 2. Panca sata;
 3. Panca sanak;
 4. Panca klud;
 5. Resi gana;
 6. Tahur agung
- (5) Yening wenten kedurmangalan jagat, kacirenin antuk:
- Jadma kegeringan,
 - Tumbuh-tumbuhan kegeringan,
 - Wewalungan kegeringan,
- Muwah ceciran siosan, sane ngawinan sasab merana, patut kewentenan pacaruan manut deresta.
- (6) Sejawaning ring ajeng kawentenang yadnya sesa (masiban/mejot-jotan) wusan ngerateng.-

Pawos 54.

Upacara tawur kesanga ri kalaning tilem kesanga:

(1) Majeng ring Ida Bhatara kahyangan desa:

1. Pengelompokan ping 13 melasti kesanga, keining antuk para sanak seweidangan desa Legian, prade wenten krama tan ngiring tan pesadok kadosan manut pekraman banjar-nia soang-soang.
2. Upakara kesegara keentang antuk prajuru keampok antuk banjar manut dresta.
3. Ring pengelompokan ping 14 nyejerang Ida Bhatara ring pura desa Bale Agung.

(2) Upacara tahur kesanga kemargiang ring tileming kesanga manut upacara sekadi ring sor:

1. Pecaruan kewentenang ring wates-wates desa manut genah.
2. Nyoreang kewentenang ngarupuk.
3. Tan kelugera malila-lilayan antuk geni muwah ngarupuk jantos langkungan tengah wengi reh rahina inucap sampun nampih rahina sipeng benjangne.

Pawos 55.

(1) Upacara rahina nyepi/sipeng patut kemargiang catur-brata:

1. Amati geni, sajawaning:
 - Madruwe rare durung tigang sasih, ring genah rare inucap.
 - Menepetin ring sang sungkan.
 - Medruwe layon, ring sawa inucap.
2. Amati karya, tan kengin nyambut gawe, sejawaning pecalang desa lan prajuru dinas miwah sang polih uak-uakan (ijin) antuk ilikita pastika sakeng sang amawangrat
3. Amati lampah, tan kengin melelungayan.
4. Amati lelanguan, tan kengin mesuara gora, meoneng-onengan (mepelalian) lan selantur ipun

(2) Prade wenten krama amurug brata penyepian kedanda manut perarem, sane kemargiang antuk pecalang lan hansip, tur dedandan inucap pinaro tiga, abagi kedesa, kekalih ring pecalang inucap lan hansip.

(3) Ri wus rahina nyepi kewastanin ngembak geni, mapiteges pengelukaran joga semadi kedulurin antuk pengaksama soang-soang krama desa/banjar Legian, maka cihna pengawit icaka warsa.

SARGA V
SUKERTA TATA PEWONGAN
PALET I
I N D I K P A W I W A H A N

Pawos 56.

- (1). Pawiwahan inggih punika patemoning purusa lan predana melarapan penunggalan kayun sukacita kedulurin upasaksi sekala lawan niskala.
- (2). Pelaksanaan pawiwahan ring desa Legian, luire:
 1. Pematikan kemenggala antuk pekurenan.
 2. Merangkat, memargi riyin wawu kekerunayang.
 3. Nyeburin utawi sentana nyeburin ri sampun kemargiang upacara pemerasan
- (3). Pidabdab sang pacing mawiwaha patut:
 1. Sampun manggih daha teruna.
 2. Sangkaning pada rena/tan kepaksa.
 3. Nganut kecaping agama sajana-jenana.
 4. Kemanggala antuk banten penyambutan prade pengambile tios agama.
- (4). Pemargin perabian inucap ajeng mangda taler nganutin undang-undang perkawinan No 1/1974.
- (5). Prade memurung kecaping (3) ring ajeng macihna tri pramana patut:
 1. Pengantene kengin kapalasang saha kadandan manut perarem prade kapaksa, asapunika taler sane ngeruromin muwah nyarengin melegandang.
 3. Pengantene patut kepalasang saha upakara pamarisudha desa prade wenten gamiagemana.
 - 4.

Pawos 57.

- (1). Pawiwahan sane kepatut (syah) ring Desa Legian manut paos 56 ri sampun mekacihna:
 1. Mawidi wedana, sanistane pabeyekalan.
 2. Kesaksinin prajuru desa lan dinas.
 3. Kaunggulang sajeroning ilikita tur katunasang ring sang ngawenang (camat)
 4. Nawur prabeya upesaksi maserana daksina sesari.

- (2) Perabian kabawos tan patut, prade:
1. Natab upakara sakeng papaksan.
 2. Sinalih tunggil tan rawuh muah tan wenten ilikita.
 3. Nenten wenten saksi miwah ilikita.

Pawos 58.

Tata caraning perabian patut ring sor:

(1) Sapa siro ugi ngewarangang pakulawargan patut masadok ring prejuru, selantur keparitatas manut tan manut kocap prabiane.

(2) Prade mamadik pemargine anut dudonan:

1. Pakrunane patut kemargiang ping tiga:
 - Pasuaka.
 - Pengambilan.
 - Nelok.
2. Ri sampun puput bebawosan sang wadon kaajak budal kepekubon sang lanang saha kelanturang antuk pebyakalan.
3. Mangda tumus patut mapikuren sekala-niskala, raris kemargiang upacara nelok antuk kulawarga purusa maduluran pejati katur ring merajan wadone.

(1) Prade merangkat (ngerorod) patut:

1. Reraman lanange ngawentenang pamilaku antuk duta sekirangnia kalih diri saha tan kengin kasepan ring arahina makasarane "suluh".
2. Mewaneng tigang rahnia kawentenang pangelukuan manut tata cara:
 - Kamanggala antuk geng pengampura arep ring reraman wadone.
 - Kaiguman bawos indik idih pengidih utawi pelegayang arep ring pasewakan sang ngaluku saha desawa pasakapan riwekas.
3. Prade pejati tan katerima pakurenan tetep kemargiang jantos ping tiga.

Pawos 59.

- (1) Pituju pawiwahane patut sang lanang merabi adiri asapunika taler sawaliknia, sejawaning wenten pasubaya sios.
- (2) Prade wenten logika sang graha jantos mobot kapatut:
 1. Kasakapang antuk sang mobotang, prade tan katinutin kadenda geng arta wijinan jinah bolong saha upakarane penyepuhan ring kahyangan penataran Desa Legian, kedulurin ngupajiwain rarene riwekas.
- (3) Prade wenten ngeker anak istri, mamitra ngalang, lan mewastu jatma inucap kebawos mekelin banjar, patut jatma inucap mawiwaha, yan murug kekaninin penyapsap semara dudu anut perarem desa, prade kapurug keni pamidanda nikel taler ri sampun nikel tan katawur tan polih swara kulkul asing-asing masuka duka kulewaran jatma inucap, pamidanda ping unkur taler kapurug mewaneng kalih pesangkepan wenang krama inucap kadaut pipilnyane, asapunika taler dudone pamidanda angka (2) ring ajeng mwah angka (4) ring sor.
- (4) Prade wenten dratrikrama utawi paradene, isp, sane ngawanan cemar pejagatan Legian prade tan melaksana wusan kadi inucap kadanda manut angka (3) ring ajeng.
- (5) Mungging pemargin asumundung anglangkahi karang hulu kasukserah ring sang ngawarangang, upacarane kewastanin patiwangi.

PALET 2.

I N D I K P E N Y A P I A N

Pawos 60

- (1) Pawiwahan prasidha kawusang melarapan antuk palas utawi kelayuan.
- (2) Wusan mapikurenan ri antukan salah sinunggil lampus kebawos balu.
- (3) Palas perabian wenten sangkaning wiwit wicara utawi pada lila, pracelina tan tumus suka citaning punggalan idep sangalaki rabi, kebawos nyapian.

- (4) Sang ayat pa-las merabi patut atur supeksa pailikitan ring sang rumawos (pengadilan negeri) wastu tinas apadang pamutuse kebawos nyapihan, ngelantur prajurune nyawakang kawentenania ring sawidangan desa saha pamidanda kawusang ngayah banjar/desa.

Pawos 61.

Tata kramaning palas perabian.

- (1) Sulur palas perabian prade sinalih tunggil: anasar laku, cedangga, wirosang iku, metilar tanpa sadok, isp. Mwah setata wakparusia tan prasida adung malih.
- (2) Prade wicara ketunasang antuk istrine, maka cihna:
1. Istrine paradara (anasar laku).
 2. Amandel sanggama (ma-ambul-ambulan jantos 6 sasih).
 3. Cedangga tan prasida nyengamen.
- (3) Prade wicara ka tunasang antuk istrine macihna:
1. Lanange dratikrama (mamitra).
 2. Tan ngupejiwa nyantos nem sasih.
 3. Wandu.
- (4) Prade manut tri premana sang mawicara inucap angka (2) miwah angka (3).
1. Perabiane kengin kepalasan.
 2. Ketiwakin pamidanda anut paos ring ajeng.
- (5) Prade palas perabian sangkaning pada lila patut:
1. Nawur prabeya anut paos samimetenge.
 2. Pegunakayan polih pahan pada.
 3. Ngeweruhin miwah ngupejiwa prati sentana manut swadarmaning guru rupaka.
- (6) Pamidanda penyapihan inucap ring ajeng kengin kemargiang, risampun ketiwakin pamutus antuk sang rumawos manut paos ring ajeng.

Pawos 62.

- (1) Prade ri wekas sang palas kacihnayang adung malih patut ngelaksanayang pawiwahan malih manut paos ring ajeng.
- (2) Keni pamidanda nikel sakeng palase, yadiastu wit palase pecak sangkaning pada lila manut perarem banjar suang-suang.

Pawos 63.

- (1) Suang-suang balu kebinayang dados.
 1. Balu luh wit sentana (sentana rajeg) muah balu luh boya sentana.
 2. Balu muani kepurusan muah balu muani nyeburin.
- (2) Swadarmaning balu inucap patut:
 1. Ngemanggehang pati brata, tan keugi ngemargiang para dara dratikrama.
 2. Nguasayang warisan, paguna kayan, sareng rabine pecak tan kengin ngadol, makidihang, isp, sejawaning polih kebebasan sakeng pianak utawi pakulargan pinih tampek sakeng rabine.
 3. Kengin ngidih sentata, prade sampun wenten pamidabdab sadurung sinalih tunggil lampus saha kabebasan antuk kulewargan sinangguh kepurusan.
 4. Kawenangan mawiwaha malih prade sampun polih paigum sakeng oka daha teruna utawi kulewarga kepurusan tur prasida ngupejiwa pratisentana.

Pawos 64.

- (1) Balu kaucap tan pageh luire:
 1. Dratikrama/Paradara.
 2. Metilar sakeng pakubon tan pasadok jantos 6 sasih.
 3. Lempas ring swadarmaning balu, prasida ngasihin solah maprawerti arep ring pituduh kulewargan kepurusa.

- (2) Prade mecihna manut tripramna, wenang balu inucap balu tur boya sentana utawi balu muani nyeburin (boya sentana) kengin:
 1. Katundung antuk kulewarga kepurusa.
 2. Tan polih upon waris.
- (3) Prade balu tan pasentana kaucap pageh katundung antuk kulewarga kepurusan kepatut polih pahan sakeng paguna kayan, sareng rabine pecak.

PALET 3.

I N D I K S E N T A N A

Pawos 65.

- (1) Sentana wenten kalih paos, sane keucap prati sentana mwah sentana paperasan.
- (2) Pratisentana inggih punika sentana sane medal saking pawiwahan (perabian kepatut).
- (3) Prade perabian tan kepatut ngewentenang sentana, manda kengin tan keucap leteh yogya kemanggale antuk upakara penyepuh, manut paos ring ajeng.
- (4) Prade pawiwahan tan ngewetuang sentana, kengin ngawentenang sentana antuk ngidih lsp saha upakara skala niskala sane kebawos sentana paperasan.

Pawos 66.

- (1) Nangkat sentana manut dudonin patut makacihna artabrana pemerasan saha kasinaksiang sekala niskala.
- (2) Sapesira ugi pacang ngidih sentana patut masadok ring prajuru ring tigang sasih sedurung panemaya pamerasan.
- (3) Kelian Desa Adat kewakilin antuk kelian banjar patut nyarwakang ring sawidangan desane, sang sahesira rumasa tan lila mangde nyadokang masengker a sasih sebanen pamerasan ring prajuru.
- (4) Kelian Desa adat gelis mawosan saha ngicenin pamutus anut ring catur dresta mwah Perarem Desa.
- (5) Prade sulur paperasan tan manut ring kecaping ajeng, prajuru wenang ngandeg sang pacang makarya saha ngicening penuntun mangda kapuputang riin babaosane, sulur muah wicarania.

Pawos 67.

- (1) Peperasan sane kapuput ring Desa Legian ri sampun:
 1. Mawidhi widhana.
 2. Kesaksinin antuk prajuru adat lan dinas.
 3. Wenten ilikita ungguhan tatasulur pamargin pemerasane.
- (2) Sane kapatut anggen sentana:
 1. Jatma megama Hindu.
 2. Pepernahang nedunang sakeng sang meras.
 3. Kulewarga sakeng purusa prade tan wenten sakeng wadon bilih taler tan wenten, wawu kengin saking kayun (sekamakama).
- (3) Kengin ngangkat sentana langkungan ring adiri, lanang wiadin wadon utawi lanang wadon.

Pawos 68.

Swadarman guru rupaka patut ngupajiwani saha ngaweruhin pratisentana:

- (1) Pengupejiwa anut petitis grihasta ngemanggulang kerahajengan pratisentana.
- (2) Ngaweruhin anut petitis brahmacari, ngmanggehang kepranyana sanistane mangde puput sekolah dasar.
- (3) Prade angka (2) kapurug wenang yayah rena inucap kadanda manut perarem banjar, prade taler tan kaanutin kadanda manut perarem desa.

PALET 4.

I N D I K W A R I S A N

Pawos 69.

- (1) Warisan inggih punika tetamian arta brana saha ayah-ayah ngupadi sukerti sekala niskala sakeng kaluhurania arep ring turunania.

(2). Kang sinanggeh warisan luire:

1. Duwe tengah mekadi kahyangan/pamerajan, pusaka sewakrama ayah-ayahan saha Lsp.
2. (Pegunakaya, sadan/jiwadana).
3. Hutang piutang.

(3). Wawu kengin kebawos warisan prade wenten:

1. Sang mapiturun (pewaris).
2. Turunania (ahli waris).
3. Arta brana mwah tetegenan (ayah-ayah).

Pawos 70.

Mungwing ahli waris sekadi ring sor:

(1). Kengin manggih ahli waris:

1. Kapertama, pratisentana purusa utawi sentana rajeg, sentana peperasan.
2. Prade tan wenten sekadi ring ajeng turunan purusa pernah nunggalang, makadi rerame misan mindon utawi turunan purusa pernah kesamping, makadi misan mindon.

(2). Swadharman ahli waris patut:

1. Nerima saha nguasayang tetamiang pahan saking kaluhurania, makadi ngaremon pameranjan/pura saha pengupakara mwah penyelidihni ayah-ayah pewaris.
2. Ngabenang pewaris saha ngelanturang upakara upacara pitera.
3. Nawurin utang-utang pewaris antuk tetamian pewaris.

Pawos 71.

Pengepahan warisan manut sekadi ring sor:

(1). Ri sampun kelaksanayang pitra yadnya lan hutang-hutang pewaris buntas ketawur.

(2). Pahan tetamian pada, arep ring ahli waris, sejawaning wenten pa subaya pewaris sekantun meurip.

(3). Semalih tunggil ahli waris kengin tan polih pahan, prade:

1. Nilar sesananing agama (kawitan).
2. Alpaka guru.

3. Sentana rajeg kesah mewiwaha muwah pratisentana nyeburin, soang-soang kebawos ninggal kedaton.

(4). Prade baya ahli waris kengin muponin kewanten manut dudonan.

1. Sentana luh selami dereng kesah mawiwaha utawi alpakaguru: prade logika sanggraha mewastu madrebe pianak, sentanania inucap kengin wantah ngewaris peguna kayan sentana luh inucap mekadi biange.
2. Malih daha/teruna, riantukan ring pawiwahan pecak sampun kebawos ninggal kedaton.
3. Balu luh wiadin muani nyeburin (boya sentana).

(5). Pewaris kengin mapaweweh rikala maurip, pinaka:

1. Jiwa dana, tadtadan/bekel, makacihna paweweh tetep ring pianak sane kesah mawiwaha.
2. Pangupejiwa, paweweh padgatakala pewaris maka pamupon hasil kemawon.
3. Pedum pamong/raksa, pahan waris padgatakala nyantos pedum jumenek saking pewaris arep ring ahli waris.

Pawos 72.

(1). Prade sajeroning kulawargan wenten ahli waris langkungan ring adiri patut:

1. Kewentengan paigum indik pedum waris inucap.
2. Yan tan prasidha katunasang tetimbangan ring kerta desa (prajuru desa).

(2). Prade waris makecihna tanalinggihan antuk paigum utawi wiwit wikan, patut katunasang kekantor agraria.

3. Prade taler tan wenten cumpu ring panepas kerta desa kengin numbusang ring sang rumawos:

3). Prade wenten kurang kaputungan, wenang prajuru mawosang tur meriksa sila-sila tur nibakan ring:

1. Ahli waris sakeng purusa.
2. Pepernahan kesamping yan ten wenten pepernahan unggahang.
3. Taler tan wenten angka 1 mwah angka 2 kengin tibakang ring wadon.
4. Prade rawuh angka 3 tan wenten kengin kedadosan deruwe.

SARGA VI

WICARA LAN PAMIDANDA

PALET 1.

I N D I K W I C A R A

Pawos 73

- (1). Sane wenang mawosin mekadi mutusang wicara ring desa:
 1. Kelian banjar prade sang mawicara patunggilan bebanjaran.
 2. Kelian desa adat prade sang mawicara, mabinayan bebanjaran.
- (2). Prade sang mawicara tan wenten cumpu ring tata caran kelian banjar mebawos/mawosin kengin miwah bebandingan ring kerta desa.
- (3). Taler tan wenten cumpu ring panepas kerta desa kengin nunasang wicara inucap ring sang rumawos.

Pawos 74.

- (1). Sehanan wicara sane mewiwit kecorahan sakeluire miwah sinanggeh nungkasin daging awig-awig peswara lan perarem desa, patut pramangke kebawosin tan ngantos pesadok.
- (2). Sejaba wicara kadi ring ajeng patut nyantos pesadok sang nunas bawos.
- (3). Panepase mangda pastika nyantenang iwang patut, melarapan tan pramana miwah tan maren nepek ring catur dresta.

PALET 2.

I N D I K P A M I D A N D A

Pawos 75.

- (1). Desa/banjar wenang niwakang pemutus ring warga sane sisip.
- (2). Paniwak inucap kelaksanayang oleh kelian desa adat utawi kelian banjar nunggal dudonan.
- (3). Ageng alit pamidandane sor singgih manut ring kasisipane, tan maren ngupadi dharma kawelas kesuda malan desa, makadinia bobotang arsan-pinih ajeng maka butan ngawentunang kesuda malan desa, mekadinia bobotang pamidanda wijinan jinah bolong patut kaatunang jinah panengerane nyabran masa antuk perarem desa.

- (4). Bacakan pamidanda luire:
1. Dedosan utawi dedenan arta mwah penikel-penikelnia.
 2. Kerandahin (kerampag).
 3. Tan polih suara kulkul utawi kesepekang.
 4. Kadaut pipilnyane utawi ngewaliang pipil.
 5. Upacara penyangas kara.
- (5). Jinah utawi raja brana ngeranjing druwen desa/banjar.

Pawos 76.

- (1). Rikala pawanengan ngamedalan lag jinah/urunan, dedosan dedandan sane muputang pekaryan/wewangunan ingungan utawi cedak risampun kelugraha tigang pasangkepang banjar kadanda nikel.
- (2). Risampun nikel mwang tigang pesangkepan taler tan nawur wenang kerandahin, tur pikolih pangarandaha kegadeang mesengker 30 rahina, prade tan katebus anut sengker barang-barang rendahane kengin keadol semael-maelnia.
- (3). Tata cara pengerandahe:
1. Kelaksanayang antuk prajuru banjar kesarengin antuk krama seakeha tigang diri maka saksi.
 2. Sang ngerendahin sangkaning darsana ngambil barang utawi sejawanin tanem tuwuh akehnia manut utang sang kerandah
 3. Prejuru miteketang mangda barang sane kerandahin digelis katebus sedereng rahina pacang keadol.
- (4). Prade pamargi ngerandahin taler kapurug risampun kelugrahin tempo 3 pesangkepan, kaucap sampun tan manut malih ring sedaging awig-awig, pasewara lan pararem desa/banjar jatma inucap wenang tan kelugrahin suaran kulkul prade ipun madrebe karya suka duka.
- (5). Risampun kedenda risampetin suaran kulkul utawi kesepekina taler tan pangendap paripolah wenang krama inucap kedaut pipilnyane antuk tata cara:
1. Sedereng panemaya paruman desa/banjar pacang nguwasang krama sane memurug prajuru desa/banjar nunggal nunggal patut ngewentenang pesangkepan ngupadi rahayu.
 2. Prade tan mapikolih usaha inucap wawu kawentenang paruman banjar/desa pacang ngabut pipil krama inucap.

3. Prajuru patut nyiarang/nyaruakang ring sawidangan desa, mangde tan keterima masuka duka ring sawidangan desa Legian.
- (6). Asapunika taler pamidanda amurug suara tiosan sane kasungguh ngawinang duskertan desa Legian saha sampun kawicarayang jantos tigang pesangkepan/paruman desa/banjar.

Pawos 77.

Mungguwing penyisip pawos 76 Ring ajeng kengin bantes risampun:

- (1). Krama sane rumasa uning ring kaiwangan tan miturutin awig-awig:
 1. Mesuaka ring banjarnia.
 2. Keni sisip geng arta manut perarem banjar maka pangalang kasudamalan desa saha penyangas kara pejati ring pemeranjan banjar.
- (2). Swadarmaning prajuru:
 1. Kelian banjar patut nerima pasuakan krama inucap tur nyadokang ring kelian desa adat.
 2. Kelian desa adat patut nauhin kelian banjar sami pacang nerima pesuakan krama sane ngelukuang dewek iwang.
 3. Prade sampun keanutin sekadi angka (1) ring ajeng krama inucap wenang katampi tur nyarwakang ring banjarnia pecak.
- (3). Pamidanda inucap pinara tiga, sebagi ring kelian sane ngewidangin, sibagi ring kerta mwah kas desa sebagi.

SARGA VII

NGUWAH NGUWUHIN AWIG-AWIG

Pawos 78.

- (1). Nguwah nguwuhin awig-awig desa puniki kemargiang antuk paruman desa.
- (2). Paruman inucap mangde kesungkemin antuk pekersan krama desa.
- (3). Pidaging wah-wuh mangda kedasarin antuk gilik-seguluk.

Pawos 79.

Paruman pacang nguwah-ngewuhin awig-awig kadi ring ajeng, kengin kamedalang antuk kelian desa adat, kelian-kelian banjar yadiastu niri-niri medal sesarengan.

SARGA VIII.

PAMUPUT

Pawos 80.

- (1). Awig-awig puniki kewastanin awig-awig Desa Adat Legian.
- (2). Awig-awig Desa Legian puniki kemargiang ngawit keraremin.

Pawos 81.

- (1). Sakaluring sane wenten sederengnia patut kemuatang ring sadaging awig-awig puniki.
- (2). Sahaluring sane kirang kabawos sajeroning awig-awig puniki patut kelaksanayang manut tata cara sane sampun katah memarga adulurin antuk perarem-perarem.

Pawos 82.

- (1). Awig-awig puniki kerarem duk rahina weraspati pangelong ping I ÇaÇih kedasa Içaka warsa 1902, tanggal masehi 1 Mei 1980, ring jaba pura Agung Desa Legian.
- (2). Awig-awig punika kelingga tanganin antuk klian Desa Adat kesarengin klian banjar kesaksinin antuk klian dinas sawidangan desa Legian saha Perbekel Desa Kuta.
- (3). Luwir sang ngalingga tanganin:

1. Kepertama Prejuru Desa Legian:

- 1). Kelian Desa Adat Legian

ttd

I Gusti Putu Raka

- 2). Kelian Banjar Legian Kaja:

ttd.

I Made Sutedja

3). Kelian Banjar Pekandelan:

ttd

I Nyoman Rutha Adi

4). Kelian Banjar Legian Kelod:

ttd

I Gusti Kompyang Widana

2. Kaping kalih prejuru Dinas maka saksi:

1). Kelian Dinas Br. Legian Kaja

ttd

I Wayan Ngetur

2). Kelian Dinas Br Pekandelan

ttd

I Wayan Sudi

3). Kelian Banjar Legian Kelod:

ttd.

I Wayan Rasna.

4). Perbekel Desa Kuta

Ttd

I Wayan Redu.

LAMPIRAN Awig-awig Desa Legian.

Daftar tanah-tanah druwe bukti pura, mekadi ring palet 5, paos 26 (3) ring ajeng:

Nomor urut.	Nomor pipil	Nomor percil	Klas	Luas	Druwe Pura	Keterangan
Tanah Tegal/Pesedahan desa Kuta, mengenah ring desa Legian:						
1.	223	6	II	0,180Ha,	Pura Agung,	
2.	235	23	II	1,450 ,,	Pura Puseh,	
3.	235	24	II	0,880 ,,	„ „ „	
4.	235	26	II	1,260 ,,	„ „ „	
5.	235	27	III	0,895 ,,	„ „ „	
6.	236	35	II	0,805 ,,	„ Penataran	
7.	237	36	II	0,715 ,,	„ Kahyangan	
8.	237	40	III	0,400 ,,	„ „ „	
Tegal.....				7,585Ha		
Tanah Sawah/pesedahan yeh merta gangga, sb Abian base, (dajan-laba) :						
9.	430	8 sp.	II	0,030 Ha	Pura Puseh	
10.	430	9 sp.	II	0,410 Ha	„ „	
Pesedahan yeh Poh, Subak Seminyak, (Bangketan) :						
11	364	75 sp	IV	0,595 Ha	Pura Agung	
Sawah				1,035 Ha		
Akeh tegal lan sawah				8,620 Ha		

PAKELING

Awig-awig ring ajeng karipta antuk juru pengerencana awig-awig desa Legian kasanggra antuk pamaridabdab/pembina Fakultas Hukum & Pengetahuan Masyarakat Universitas Denpasar Bali 1976/1980.

Dokumen para pengerencana inucap:

1. Kaping ajeng para juru Desa Adat Legian, luire:
 1. I Gst Pt Raka, Kelian Desa Adat Legian,
 2. I Wayan Sekur, wakil Kelian Desa Adat Legian,
 3. I Gst Ngr Swenda, wakil Kelian Desa Adat Legian,
 4. I Ketut Sadia, wakil Kelian Desa Adat Legian,
 5. I Made Suteja, wakil kelian Banjar suka - duka, Banjar Legian Kaja,
 6. I Nyoman Rutha Adi, Kelian suka-duka Banjar Pekandelan,
 7. I Gst Kompiang Widana, Kelian suka-duka Banjar Legian Kelod,
 8. I Wayan Ngetur, Kelian Dinas Banjar Legian Kaja,
 9. I Wayan Sudi, Kelian Dinas Banjar Pekandelan,
 10. I Wayan Rasna, Kelian Dinas Banjar Legian Kelod,
 11. I Wayan Redu, Perbekel Desa Kuta,

2. Taler kesanggra antuk para wakil-wakil warga saking soang-soang banjar, luire:
 1. Wakil saking Banjar Legian Kaja,
 1. I Nyoman Retha,
 2. I Made Kesyeh,
 3. I Wayan Wana,

2. Wakil saking banjar pekandelan.

1. I Wayan Sudiarta,
2. I Gusti Putu Sudjana,
3. I Made Regig,
4. I Ketut Wena,

3. Wakil saking Br Legian Klod,

1. I Gusti Ketut Sudjana,
2. I Made Wenten,
3. I Nyoman Nuadi,
4. I Ketut Suda,

3. Kaping kalih pamidabdab saking Fakultas Hukum & Pengetahuan Masyarakat Universitas Udayana Denpasar:

1. Ketua : I Ketut Mandra SH.
2. Sekretaris : I Ketut Keneng SH,
3. Anggauta : I Wayan Kaler Sm Hk.
I Wayan Widastra Sm Hk,
Desak Raini T. Sm, Hk,
Konti Cantika Sh.